

# DEDICATION.

Meinen großgünstig: Hochgeehrten Herren /  
Patronen, Gutgnthern vnd respectivè Herren  
Vettern vnd Schwägern.



**D**IEdle Bestrenge / Beste / Ehrveste /  
Hochachtebar / vnd wolweise E: W: E: Gstr: B:  
E: H: W. vnd Gstr: seyen meine / wiewolen noch  
geringfügig / jedoch ganz willigste Dienst zuvor /  
großgünstig vnd hochgeehrte Herren.

Nachdem ich newlich / zwey kurze Tractetlin /  
deren das Erste von Erbauung einer mittel groß-  
sen Kirchen / das Ander aber von Auffrichtung ei-  
ner Teutschen Schulen handelt / zu vorderst zu der Ehre des Allmächtigen /  
So dann dem Kirchen vnd Schulwesen / welches hin vnd wider bey disen /  
Gott sey es gedancket / herfürleuchtenden Fridensstrahlen / gleichsam auff ein  
newes (. allgemeinem Wesen zum besten. ) zuflanzen / in den Truck gege-  
ben: haben sich ferner der Architectur Liebhabere gefunden / die zwar ob-  
bemelte meine Wercklin / ihnen belieben lassen / vnd mit denselbigen nach-  
glegenheit der Zeit / Orts / fûrgesetzten Zweck's / vnd meines geringen Al-  
ters zu friden / gleichwol aber darneben vernünfftig erinnere / daß es wol  
angesehen gewesen / am Ersten sich eines Kirchengebäws zu vnderfangen /  
darinnen durch inbrünstige Anhörung Göttliches Worts / das Reich der  
Seeligkeit zusuchen: Am Andern aber in einer wol accomodirten Schul /  
die Jugend zur wahren Gottsforcht / Christlichen Tugendten / vnd Er-  
lernung lobwürdiger Künsten anzuhalten. Wann aber des Menschen  
Leibsnahrung also beschaffen / daß wo nicht auch erspriessliche Mittel ver-  
handen / so wurde zweifels frey / bey den zwey Ersten Gebäwen grosser  
mangel erscheinen / solchem nun für zukommen / so werde es die Nothdurfft  
erforderen / auch den Ackerbau zu vnderhaltung Menschlichen Lebens /  
zubeobach-